



20. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**1. Nuna pissutaava atugassanik pisiniarfiit immiaaqqanik aalakoornartortaqanngitsunik eqqusseqqusaanngilluinnarnerannut?**

**2. Naalakkersuisut sulissutigerusunnerlugu atugassanik pisiniarfiit immiaaqqanik aalakoornartortaqanngitsunik eqqussisinnaanngornissaat? Taamaattoqassappat taava qanoq qanorlu sivisutigisoq piffissaq ingerlareerpat tamanna pisinnaalissava?**

**3. Suliamut tunngasunik allanik soqutiginaateqarsinnaasunik Naalakkersuisut paasisutissiisnaappat**

(Inatsisartunut ilaasortaq Justus Hansen, Demokraatit)

**Tunngavilersuut**

Immiaaqqat aalakoornartortaqanngitsut inatsimmi maanna atuuttumi siumugassaanngillat. Immiaaqqamik taasassaagunangillat aalakoornartortaqannginnamik. Aamma sodavandimik taaneqarsinnaanngillat. Taamatullu aamma imeruusaataanngillat qiimmassaatinik akullit.

Taaneqarsimanninnerat pissutaalluni atugassanik piniarfiit periarfissaqanngillat immiaaqqanik imigassartaqanngitsunik tikisitsinissaminnut tamanna uggornartutut taasariaqarpoq. Uanga isumaga naapertorlugu immiaaqqat aalakoornartortaqanngitsut immiaaravinnut taartaalluarsinnaakuttoorput, imigassaq saperaanni imaluunniit assersuutigalugu nuannalluni katerisimaareernerup kingorna biilerluni angerlamut apuunniartariaqassagaanni.

Kissaatigaara apeqququma piffissarititaasup ullut sulliviit qulit iluanni akineqassasut.